

漢魏六朝百三家集

隋

盧武陽

第九十八冊

新平船

PDG

盧武陽集題詞

盧子行自齊入周作聽蟬詩遷武陽
太守作孤鴻賦淪滯官塗作勞生論
憂愁所寄並爲時稱然譚世變刺炎
涼論乃獨出矣劉孝標傷任昉諸子
流離著廣絕交論痛言五交三釁世

路險巇過于太行孟門子行自慨蹇
產詆斥物情榮瘁冰炭足使五侯喪
魂六貴飲泣文人之筆鬼魅牛馬皆
可畫也論北齊毀武成論後周毀天
元暴揚淫昏發露諂惡君百桀紂臣
百廉虎陽秋直筆殆云無隱然生官

其朝沒揚其醜搜床席以快見聞貶
朽骨以恣河漢良史雖傳臣心未順
異乎賈生過秦陸機辯吳矣子行詩
兼工七言唐玄宗自蜀回登勤政樓
歌曰庭前琪樹已堪攀塞北征人去
未還卽盧薊北歌詞也唐風近隋盧

薛諸體世尤宗尚含蓄意寡而音響
無滯自以爲昆吾莫邪爾

婁東張溥題

吳平百本海潮翻轉吳平百本海潮翻轉
沐骨以爲骨骨以爲骨骨以爲骨骨以爲骨
其時豈得其時豈得其時豈得其時豈得其時

盧武陽集目錄

賦

孤鴻賦

有序

納涼賦

檄

爲隋檄陳文

表

北齊爲百官賀甘露表

書

爲高僕射與司馬消難書

序

從駕大慈照寺詩序

論

北齊興亡論

後周興亡論

誄

盧記室誄

祭文

祭灤湖文

文

遼陽山寺願文

樂府

有所思

日出東隅行

權歌行

美女篇

河曲遊

升天行

神仙篇

城南隅讌

蜀國弦

採蓮曲

從軍行

詩

駕出園丘

贈李若

贈別司馬幼之南聘

贈劉儀同西聘

遊梁城

從駕經大慈照寺

春夕經行留侯墓

上巳禊飲

夜聞鄰妓

賦得珠簾

彭城王挽歌

盧武陽集
樂平長公主挽歌

後園宴

聽鳴蟬篇

附錄

本傳

盧武陽集目錄終

盧武陽集卷全

隋范陽盧思道著

明太倉張溥聞

賦

孤鴻賦

有序

余志學之歲自鄉里遊京師便見識知音歷受羣公之眷年登弱冠甫就朝列談者過誤遂竊虛名通人楊令君邢特進已下皆分庭致禮倒屣相接翦拂吹噓長其光價而才本駑拙性實

疎嬾勢利貨殖淡然不營雖籠紉朝市且三十
載而獨往之心未始去懷抱也攝生舛和有少
氣疾分符坐嘯作守東原洪河之湄沃野彌望
鰟務旣屏魚鳥爲鄰有離羣之鴻爲羅者所獲
野人馴養貢之於余置諸池庭朝夕賞翫旣用
銷憂兼以輕疾大易稱鴻漸于陸羽儀盛也揚
子曰鴻飛冥冥騫翥高也淮南云東歸碣石違
溽暑也平子賦曰南寓衡陽避祁寒也若其雅
步清音遠心高韻鵠鸞以降罕見其儔而鍛翮

牆陰偶影獨立。唼喋粃粃。鷄鶩爲伍。不亦傷乎。
余五十之年。忽焉已至。永言身事。慨然多緒。乃
爲之賦。聊以自慰。云。其詞曰。

惟此孤鴻。擅奇羽蟲。實稟清高之氣。遠生遼碣
之東。毳毛將落。和鳴順風。壯冰云厚。矯翅排空。
出島嶼之縣邈。犯霜露之溟濛。驚絃魚之密網。
畏落鴈之虛弓。若其斗柄東指。女夷司月。乃遙
集于寒門。遂輕舉于玄闕。至如天高氣肅。搖落
在時。旣嘯儔于淮浦。亦弄吭於江湄。摩赤霄以

凌厲乘丹氣之威夷，遡商飈之嫋嫋。翫陽景之
遲遲，彭蠡方春，洞庭初綠。理翮整翰，羣浮侶浴。
振雪羽而臨風，掩霜毛而候旭。歷江湖之菁藻，
飫原野之菽粟。行離離而高逝，響嚶嚶而相續。
絜齊國之冰紈，皓密山之華玉。若乃晨沐清露，
安趾徐步。夕息芳洲，延頸乘流。違寒競逐，浮沈
水宿。避暑言歸，絕漢雲飛。望玄鵠而爲侶，比朱
鷺而相依。倦天衢之溟漠，降河渚之芳菲。忽值
羅人設網，虞者懸機。永辭寥廓，蹈迹重圍。始則

窘束籠樊、憂憚刀俎、靡軀絕命、恨失其所、終乃
馴狎園庭、栖託池籞、稻粱爲惠、恣其容與、于是
翕羽宛頸、屏氣銷聲、滅煙霞之高想、閱江海之
幽情、何時驤首奮翼、上凌太清、騫翥鼓舞、遠薄
層城、惡禽視而不貴、小鳥顧而相輕、安控地而
無恥、豈冲天之復榮、若夫圖南之羽、偉而去羨、
栖睫之蟲、微而不賤、各遂性于天壤、弗企懷以
交戰、不聽咸池之樂、不饗太牢之薦、匹晨雞而
共飲、偶野鳬以同膳、匪揚聲以顯聞、甯校體而

求見聊寓形乎沼沚、且夷心于澹定、齊榮辱以
晏如、承君子之餘暇、

納涼賦

祝融司方、朱明屆序、氣乃初伏、節惟徂暑、積歊
翠於簾櫳、流煩溽於園籞、陽風渙其長扇、火雲
張而四舉、爾乃警六御、按三條、擊鼉鼓、吹鳳簫、
雲車錯轂、麟馬齊鑣、入雲宮之巉巖、登仙觀之
岧峣、引雄風于洞穴、承清露于丹霄、動颼颼于
翠帳、散霏微于綺寮、